

金

罍

子

金龜子上篇卷之四

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

金龜子  
鼯鼠之口其食牛至骨而牛弗以爲疾也俄而穿牛

之腴及其心而牛死夫牛亦覺矣蠅蚋吮其膚則

尾爲之掉犬豕拂其膺則角爲之觸而廼恬以其

身倭鼯鼠之口乎誠飲其其也詩曰盜言孔其然

則人固有之。夫靈劍腹於蜜口者。其非人之鼯鼠  
乎。江淮之間。有虫曰蠃。能含沙於暗中。射人之影。  
中之者。輒疾。俗謂之射姑。夫射人之形。雖使逢萌  
挽弓。由基機矢。可避也。射人之影。中人於無形。雖  
扞之以飛衝之棘端。格之以黑卵之筋骨。運之以  
慶忌之拳捷。莫可得而避也。其於以乘人。則巧矣。  
夫人亦有之。詩曰。如鬼如蜮。則不可得。謂非人之  
蜮矣乎。

言人以狗甚已。高辛氏有盤瓠。殷有虞。周有鬻。有虜。

卷之四

有耗有獲有漸。西旅有獒。楚有獬豸。獬豸有獬。韓有盧宋。有猓。徐有猓。秦有猓。猓有猓。猓皆諱其名也。徒名尚諱之。乃人有不狗行者乎。暇日於古人文字中見有諱及狗者。用書以志感焉。管仲云。東郭有狗。嗟。嗟。旦暮欲齧我。猓而不使也。夫畜狗以防姦。不吠姦猶可。而猓齧乎。今之爲人。嗾者皆齧猓者類也。呂不韋云。群狗相與居。皆靜無爭。投以炙雞。則相與爭矣。或折其骨。或絕其肋。爭術存也。今士大夫平居雍容退讓。相報施也。相然與也。及勢利之接。

僅若錐刀之腥已蹴然而變乎色從而隨之以兵。是亦爭炙雞者類也。江乙謂楚宣王曰。人有以其狗爲有執而愛之。其人嘗溺井。其隣人見人之溺井也。欲入言之。狗惡之。當門而噬之。隣人憚之。遂不得入言。今都其勢位以盈其惡。而欲人之勿言之也。輒先事而呵禦之。不亦當門而噬之與。乃不顧主人井之不可溺焉耳。晏子謂齊景公曰。人有市酒而其美者。置表甚長。然至酒酸而不售。問里人其故里人曰。公之狗甚猛。而人有持器而欲往。

者。狗輒迎而齧之。是以酒酸不售也。嗟夫。今國家  
懸爵祿以延天下之士。而人臣之用事者。好傷賢  
以爲資。訛其聲音顏色而拒之。不勝其媚嫉而惡  
之。不亦迥而嚙之與。乃不顧主人之酒酸而不售  
耳。有憤世子曰。異時大人有不爲此類若者。徒戴  
人間文以冠裳。能言走雨足也。

李  
子  
治  
豈  
父  
三  
年  
而  
巫  
馬  
期  
纔  
衣  
短  
褐  
易  
容  
貌  
往  
觀  
化  
焉  
見  
得  
者  
釋  
之  
巫  
馬  
期  
問  
之  
漁  
者  
對  
曰  
李  
子  
不  
欲  
人  
取  
小  
魚  
也  
程  
明  
道  
調  
上  
元  
縣  
主  
簿  
始  
至  
見  
人

子信及  
飛走

持竿道傍黏飛鳥取其竿折之教之使勿爲及罷官。艤舟郊外有數人共語自主簿折黏竿鄉民子弟不敢畜禽鳥賢者之宰是邑也其中心誠達於政而民諭化之將使欲矧之俗忘於漁獵而况其士乎將使惠愛之澤及於魚鳥而况於人乎

魏公子方與客飲有鷁擊鳩鳩走巡於公子案下鷁追擊殺於公子之前公子耻之即使人多設羅得鷁數十枚責讓以擊鳩之罪擊鳩之鷁低頭不敢仰視公子乃殺之後漢董恢爲不其令民常爲虎

射不  
可以  
中二  
心

所害獲一虎。恢呪虎曰。王法殺人者死。汝若是  
人者。當垂頭服罪。自知非者。當號呼稱冤。一虎低  
頭閉目。卽殺之。其一視恢。鳴吼自奮。遂放釋之。君  
子曰。以爲二子之德信及於飛走乎。則攫鳥且不  
擊。猛獸且不撓。又安有擊鳩之鷗於庭。殺人之虎  
於市乎。其不能使鷗母擊。虎母殺。而曰吾斷其獄。  
使服罪焉。是辜一鳥獸。徒以罔人而已矣。

春秋魯人顏高射人中眉。退而告人曰。我無勇。吾志  
其目也。此高誇耳。繆爲之言耳。羿嘗從吳賀北游。



見雀焉。賀命之射。羿曰。生之乎。殺之乎。賀請左目。  
羿中厥右。耻之。繇是每進妙處。高出天下。如羿真  
能耻者也。羿之所耻。高之所誇也。此羿之所以能  
絕技於射也。戰國楚熊渠子夜行。見寢石以爲伏  
虎也。而射之。沒金飲羽。羿逮事夏王。王命射於方  
豕之皮。征南之的。曰中之。賞子萬金。不中則削十  
邑。羿援矢而色蕩。射之矢逸。再之又不中焉。夫熊  
渠子之藝。不進於羿也。熊渠子之射。能以夜中路  
旁之石。而沒之。金羿乃不能中其皮與的。何也。熊

操車無他心

渠子以虎視石。其心誠於虎焉。而羿以萬金之賞。十邑之削。視皮與的也。夫萬金之賞。誘之乎前。而十邑之削。懼之乎後。一人之心。而喜懼交焉。雖羿之射。且不能以命中。而况技之劣於羿。相萬者乎。射一技也。且不可以二心中。而况天下之事。苟不以無欲之心處之。而欲捷發而巧中其會也。不亦難乎。

操舟者。或左之。或右之。馭車者。或前之。或後之。當其不然。詬聲譁如。舟移車進。墮乎而順。斯何以故。緣

彼此心卽我此心。各無他心。舟車是行也。夫天下  
一舟車也。宰天下者。操天下若一舟。馭天下若一  
車。匪躬以殉國之急。舍己以從人之善。事有可行。  
不以不便己也。功有可成。不以不出己也。才有可  
用。不以不黨己也。不以己長格天下之物。不以己  
喜怒妨天下之公。斷乎其無技。休乎其有容。如是  
而天下之理可幾而致也。

淮南子。莊子後解曰。庚市子。聖人之無慾者也。人有  
爭財相鬪者。庚市子毀玉於其間。而鬪者止。陳子

庚市子

諸  
大  
倫  
說  
非  
王  
五  
霸

曰毀玉止闔。今立乎通國大衢之中。闔者日十而  
彌起也。而玉能十毀乎。則玉常不能當闔。是闔終  
不止也。蓋西伯之境。涉者反訟。彥方之廬。望而息  
心。鄭融之里。不過兵。朱冲之村。無覓人。使庚市子  
聖人耶。其道出此。

跖者大盜也。備說非六王五伯。曰堯不慈。舜不孝。禹  
淫佚。湯武放殺。五伯暴亂。及死而操金錐。令以塋。  
曰下見六王五伯。吾將擗其頭。夫沒齒而猶不忘。  
甚乎其惡之也。雖然。跖惡夫不慈孝。與淫佚放殺。

暴亂也。非惡夫六王五伯也。以六王五伯爲不慈  
孝。淫佚放殺暴亂。誠非也。謂不慈不孝。淫佚放殺  
暴亂而惡之。非非也。故跖爲不知人。未謂不知道  
也。故曰盜亦有道焉。後世則知其人慈且孝。非淫  
佚放殺暴亂而惡之。有不如跖者多矣。

宋賈同爲文責荀。謂其非十二子。而子思孟軻亦未  
其數。至又序其後。以爲道之正者。曰仲尼子弓。以  
務息十二子之說。而天下之害除。則子弓者。亦道  
均於仲尼乎。夫荀學仲尼之道。而反以子思孟軻

比十子爲十二而復

云云

此所謂是堯而非舜也

賈以此責荀而王應麟困學記聞又曰荀卿非十  
二子陳仲史鮒與子思孟軻皆在焉仲子固可議  
直哉史魚以爲不如盜可乎豈有法仲尼而非三  
子者乎然則謂史魚盜失入之罪可併案也予嘗  
讀荀子所稱十二子蓋它置魏牟陳仲史鮒墨翟  
宋鈞慎到田駢惠施鄧析與子思孟軻其言子思  
孟軻特後而文稍與十子殊意亦以其爲學於仲  
尼而流矢者然其不知二子則固已甚矣至於息

六說而遷化十二子者。聖人之不得勢者。仲尼子  
弓。聖人之得勢者。舜禹。而末又泛及於子張氏子  
夏氏子游氏。均謂之賤儒。而至斥子游氏偷懦憚  
事。無廉耻而者。飲食又不止如非子思子孟軻矣。學  
於仲尼之道。而醜詆其徒。所謂是堯而非舜者。不  
信然與。然考韓詩外傳。引此大同而止。言十子。謂  
范睢。魏牟。田文。莊周。慎到。田駢。墨翟。宋鈞。鄧析。惠  
施。既不及子思。孟軻。而史鮪亦不與。且無所謂子  
張子夏子游氏之賤儒者。其言聖人則上法舜禹。

之制。下則仲尼之義。以務息十子之說。而亦無所  
謂子弓。豈韓非亦覺荀卿之非。爲之芟繆剔灰。以  
歸於粹耶。然卿書亦多稱子夏孟子之賢。雖性惡  
之說異於孟子。而意見偶偏。亦不害其大致也。何  
相非之若是哉。至於他篇。謂行之難爲者。申徒狄  
說之難持者。惠施鄧析。謂慎子有見於後。無見於  
先。老子有見於屈。無見於伸。墨子有見於齊。無見  
於畸。宋子有見於少。無見於多。謂墨子蔽於用而  
不知文。宋子蔽於欲而不知得。慎子蔽於法而不



知賢。申子蔽於勢而不知知。惠子蔽於辭而不知實。莊子蔽於天而不知人。孔子仁知且不蔽。夫申重以訾數子而二子者。曾不之及。亦可以龜其臧否之不大混淆矣。王應麟氏謂必其門人如韓非李斯之流。託其師說以毀聖賢。當以韓詩爲正。是或其可信也。

荀子不苟篇云。千人萬人之情。一人之情是也。天地始者。今日是也。百王之道。後王是也。君子審後王之道。而論於百王之前。若端拜而議。非相篇云。聖

國

王有首。吾孰法焉。故曰文久而息。節奏久而絕。守法數之有司。極禮而禡。故曰欲觀聖王之跡。則於其粲然者矣。後王是也。彼後王者。天下之君也。舍後王而道上古。辟之猶舍已之君而事人之君也。故曰欲觀千歲。則審今日。欲知億萬。則審一二。欲知上世。則審周道。又曰五帝之外。無傳人。非無賢人也。久故也。五帝之中。無傳政。非無善政也。久故也。禹湯有傳政。而不若周之察也。非無善政也。久故也。仲尼篇云。法後王。一制度。隆禮義。殺詩書。謂

之雅儒是也。法先王統禮義一制度。謂之大儒是也。又曰言道德之求。不二後王道過三代。謂之蕩法。貳後王謂之不雅。大畧篇云。言味者。予易牙言音者。予師曠言治者。一三王三王既已定法度。制禮樂而傳之。有不用而改自作。何以異於變易牙之味。更師曠之律。無三王之治。天下不待亡國。不待死。陳子曰。世之議荀卿者。謂卿談治法。則欲人無貳。後王而迂法先王也。以今觀之。夫荀子之言。則然。亦曷嘗鄙堯姁舜而黜禹湯哉。以爲後王之

孔子  
不答  
魯大  
夫練

道卽百王之道而察也。則易循後王之法。卽三王  
之法而雅也。則易行斯其志耳。昔孔子言道則祖  
述於堯舜。言法則憲章乎文武。其自爲也。則曰文  
武之道在人。其告君也。則曰文武之政在方策。又  
嘗曰生乎今之世。反古之道者。裁及其身。以周禮  
爲今用之。吾從周。以斯而通之。亦曷嘗必舍後王  
而惟上古之循哉。將訾孔子乎。

荀卿以孔子不答魯大夫練而牀之間。爲禮。君子居  
是邑。不非其大夫。余以爲佻舞于庭。雍歌于堂。旅

而昧之明  
百卿  
以為  
君子  
君是  
非不  
辨其  
大夫

太山伐顓臾事有大於練而牀者。孔子猶誦言非之。皆見於論語。彼獨非魯大夫哉。而何以亡諱耶。且孔子嘗作春秋。是非之筆。浸淫及於周王。况魯大大。蓋鄉愿之徒。猖言以混俗。免患文其善柔之態。而苟卿信之過矣。且循其言而推之。君是邑不非其大夫。君是國不非其諸侯。君是天下。不非其天子。無天下以外也。則天子者可猖然挾其無道。以必行於天下。而天下之人。皆匿其是非不昧之明心。而同然阿附。孰或矯其非哉。此大亂之道而

不可以一朝居也。卿旣以此筆之書以授諸其徒，而其門人李斯遂以相秦而行非今之誅嬴氏之不祀忽焉。一言喪邦之效於是乎灼矣。蓋孔叢子曰：得稱其非者，將使天下後世之不得遂其非也。此吾儒扶世掖教之語則然，而說也行則仰屋竊嘆者，可以毋罹於姜里之獄腹誅者，少寬於秦而唇反者，亦獲僅免於漢矣。

金壘子上篇卷之四

金匱子上篇卷之五

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

智伯  
以術  
自中

中山之國有夙繇者。知伯欲攻之。爲鑄大鍾。方車二  
軌。以遺之。夙繇之君將斬岸堙谿以迎鍾。赤章蔓  
支諫不用。斷轂而行。至衛七日。而夙繇亡。

見呂覽

知伯欲伐衛。遺衛君野馬四。白璧一。南文子曰。無

功之賞無力之禮不可不祭也。衛君以其言告邊境。知伯果起兵襲衛。至境而反。曰：衛有賢人。先知吾謀也。知伯又欲襲衛。乃佯亡其太子。使奔衛。南文子曰：太子親爲君子也。甚愛而有寵。非有大罪而亡。必有故。使人迎之於境。曰：車過五乘。慎勿內也。知伯聞之乃止。

見戰國策

知伯之中人多術矣。

夫豈工謀於夙繇而拙於謀衛也。然嘗載用於衛而格一用於夙繇而售者何也。且赤章蔓支之言。豈謝南文子哉。其君之愚與智。用與不用也。他日



知伯旣帥韓趙魏以伐范中行氏而滅之休數年  
使人請地於韓韓康子欲勿與段規諫曰君其予  
之彼狃又將請地於他國不聽必鄉之以兵則韓  
可以免於患難而待事之變康子曰善使使者致  
萬家之邑一於知伯知伯說又使人請地於魏魏  
桓子欲勿與任章諫曰君不如予之以驕知伯君  
何釋以天下圖知伯而獨以吾國爲知氏資乎桓  
子曰善因使人致萬家之邑一於知伯知伯說又  
使人之趙請閭蔡皋狼之地趙襄子弗予卒與韓

魏之師比而滅知伯。分其地。夫韓魏不愛萬家之邑。而以致知伯。一則曰狃之。而待其變。一則曰驕而圖之。彼其所以蠱知氏。即知氏之所以蠱衛與夙繇也。而知果之言。明且切矣。又豈謝亦重蔓支南文子哉。而知伯卒爲夙繇知果之不得爲南文子。豈非惡盈其貫。固天將遺伯之疾。而奪其監耶。不然。何以其中人者。還自中。而不知耶。劉子有云。邯鄲子楊園亡一桃。而卽知之。其自亡也。而不能知。知伯庭亡炙一箠。而卽知之。韓魏將叛。而不能

後讓  
非國  
士

讓亦  
未得  
以衆  
人報  
范中  
行氏

知夫以伯之聰可以亡兩國而不可以亡一爰此  
正古人之所謂目論也

知伯以國士遇我我故國士報之豫讓果國士乎弼  
違於微弼患於初其必不以知氏之國危亡矣知  
氏之國危且亡讓非國士也或曰讓何害國士其  
主則怙心焉曰以讓之道而曾不能渝其主之怙  
心尚爲蒙國士之遇乎哉

或曰豫讓非國士也其於負知氏弘矣抑其報范中  
行氏則如之何陳子曰報眚其施范中行氏以衆

人遇讓而讓亦衆人之何不可也。抑讓亦未得爲以衆人報范中行氏也。今有人於此而吾適與之途相遘也。而邸相接也。是非有夙乎我者也。是行道之人也。然而有一日之故矣。盜至禦人而殺之。將矯焉盡掎厥藏而勾我以其餘則受而爲之役乎。夫奮戈而相衛之上也不則挺而去之。讓也與衆人偕棄而予盜者也。故曰讓猶未得爲以衆人報范中行氏也。

豫讓之事范中行氏也。其論乃在史黯之對趙簡子。

史記  
之趙  
趙簡  
子韓  
非之  
和氏  
篇

矣其事知氏也。廿玄論乃在韓非之和氏篇。國語趙  
簡子嘆曰。吾願得范中行之良臣。史黯侍曰。將焉  
用之。簡子曰。良臣人之所願也。又何問焉。對曰。臣  
以爲不良故也。夫事君者。諫過而賞善。薦可而替  
不。獻能而進賢。擇才而薦之。朝夕誦善。敗而納之。  
道之以友。行之以順。勤之以力。致之以死。聽則進。  
不則退。今范中行氏之臣。不能匡相其君。使至於  
難。君出在外。又不能定而棄之。則何良之爲。若弗  
棄。則主焉得之。夫二子之良。將勤營其君。使復立。

於外死而後止。何日以來。若來則非良臣也。知伯與六家共滅范中行氏。而讓從之。斯來者也。尚何良乎。故曰其論乃在史黠之對趙簡子矣。韓非子曰。有忠臣者。外無敵國之患。內無亂臣之憂。長安於天下。而名垂後世。所謂忠臣也。若夫豫讓爲知伯臣也。上不能說主。使之明法術。度數之理。以避過難之患。下不能領御其衆。以安其國。及襄子之殺伯也。豫讓乃自黥剗。敗其形容。以爲智伯報。襄子之讐。是雖殘形殺身。以爲人主之名。而實無益。

公儀子相魯之其家見織帛怒而出其妻

於知伯若秋毫之末此吾之所下也而世主以為忠而高之讓之死也以為忠而高之者有矣而下之則自非始然其言大當故曰其論乃在韓非子之和氏篇矣

董仲舒云公儀子相魯之其家見織帛怒而出其妻妻齊也怒而可出乎此於七出何當焉夫不欲以食祿奪紅女之利乎則諭其妻使輟機投杼可矣且公儀子相魯妻命婦也又可出乎攷史記循良傳休見其家織布好而疾出其家婦燔其機意即

其家有織布婦而休遣去之耳。非其妻也。曰如妻則若之何。曰人各有見也。予則以為歎之家而主猶績者非與。夫休其蠶績而可與。不曰貴而能勤與。不曰勞則思善與。夫道豈一端而已也。

褚先生績滑稽傳。宣西門豹。善弗倫矣。豹豈滑稽者哉。曰。褚子謂陳子亢之止列。莖仁也。豹術而未仁。亦惡睹豹之未仁。豈以其投大巫嫗。又投三弟子。又投三老者為恐耶。禮。惑衆者殺。律。殺人者死。鄴三老廷祿祝巫者咸之。豹獨赦廷祿與豪長。與也。



謂忍耶陳子車之死也其妻與率之將用人以為  
殉也其謀之也故子亢得以威之而戰若鄆為河  
伯取婦非一歲矣歲沉一女不知殺幾千百女也  
又歲歛民錢至數百萬私分之借曰婦資其人家  
有好女者畏大巫多持以遠逃其為民毒苦蓋蛟  
呀呬虎咆哮也不殺之姦已耶不殺之罪懲耶不  
殺之寃理耶不殺之惑解耶豹之殺此數人是殺  
數人生數十百人者也夫孰有如豹仁者或曰漢  
宋均之守九江也遂道縣有唐后二山民共祠之

祭巫遂取百姓男女爲公嫗。歲歲改易。不敢嫁娶。守令莫及禁。均下書而姦止。豹若均可乎。曰公嫗非殺也。以爲猶祭之尸。王不敢嫁娶。愆人期耳。故均可以禁之而止。亦猶陳子亢之止殉塋也。若鄴之巫嫗三老廷椽。是白晝殺人。不操矛弧者也。

史記齊人攻魯。魯欲將吳起。吳起取齊女爲妻。而魯疑之。吳起於是欲就名。遂殺其妻。以明不與齊也。

魯卒以爲將而攻齊。大破之。世所謂起求將殺妻也。韓非子吳起衛左氏中人也。使其妻織組而頓。

狹於度。吳子使更之。其妻曰：「諾。」及成，復度之。果不中度。吳子大怒。其妻對曰：「吾始經之而不可更也。吳子出之。其妻請其兄而索入。其兄曰：『吳子爲法者也。其爲法也。且欲以與萬乘致功。必先踐之。妻妾然後行之。子母幾索入矣。』其妻之弟又重於衛君。乃因以衛君之命。吳子不聽。遂去衛而入荆也。是起又嘗出其妻爲起妻也者。不亦難乎。且夫婦人倫之重也。苟以就名。則殺而可。苟以致功。則出而可。是亦孰不可哉。妻子者。人情之所安也。夫人

名將  
不貪  
財

莫良爲之妻而孰能爲之友與處哉能爲之君與  
臨哉。君子曰。以起之材。之衛之魯。之魏之荆。而咸  
用之。其功名傑然矣。而其君卒猜之。而其大臣卒  
害之。以逮於鬻而死。斯有繇也。

名與利。事之所不兼也。貪與廉。性之所不咸也。史  
記著吳起貪。然又曰起廉。平盡能得士心。又曰起  
爲人廉。節自喜名。奚一人而廉貪兩濟哉。然則起  
貪自功名。獨廉者財耳。觀起少時家累千金。游仕  
不遂。遂破其家。及爲將。廼與士卒最下者分勞苦。

斯豈貪財者能然哉。武穆嘗曰：文官不愛財，武臣不惜死，天下太平矣。武官殊不責之以廉然，公亦各舉其所重言之耳。公，武人也。高宗朝爲秦檜所殺，錄其家資纔九十緡耳。大將握重兵在外久而其家曾無中人之財，謂公平生不厲檢操，徒以不愛一死爲諒者可耶？

戰國策齊威王時，成侯鄒忌爲齊相。田忌爲將，不相說。公孫開謂鄒忌說王而使田忌伐魏。田忌三戰三勝，鄒忌以告公孫開。公孫開乃使人操十金而

往卜於市曰。我田忌之人也。吾三戰而三勝。聲威天下。欲爲大事。亦吉不。卜者出。因令人捕爲人卜者。亦驗其辭於王前。田忌遂走。陳子曰。勝負常數也。魏又露弱於天下。田忌以能將聞諸侯。聲威天下。豈待魏之戰耶。吾聞之。南蒯之將爲叛於魯也。則使人枚筮。吳廣則行卜。蓋始爲大事者。人情之所陰也。操千金而市於卜。抑號於人曰。我田忌之人乎。此非人情。事理居然易晰也。田忌非反者。齊威王故明主使忌也。抱其誠心。泥首囚服而歸於

王之大理閭家之百口以聿戮曰惟王之察之也  
取卜者爲人卜者與捕者王前而鞠之烏詐而不  
覲乎自古小人之計害人未有如鄒忌之拙矣鄒  
忌之爲此也是逆威王之必無以察而窮其術也  
忌之不勝而遽走也是亦逆威王之必無以察而  
雪其情也然則何賢乎威王也史記稱威王卽位  
九年召封卽墨大夫召阿大夫而烹之及左右之  
嘗毀墨而譽阿者於是齊國震懼人人不敢飾非  
今也毀有功之臣者非齊國之人與朝廷之上

將一相隱爲敵國而不能御何有於諸侯將相交  
構而情僞之不自也何有於人人乃曠然以威王  
爲賢乎始鄒忌之相齊也蓋以絲桐之間悅也淳  
于髡動之以微言鄒忌曰請謹事左右夫王之左  
右昔者譽阿而毀卽墨者已膏於鼎鑊矣忌復何  
事耶是昔者王之左右能交私於齊國之下大夫  
而今也左右之權可以移將相其能毀人能譽  
人於王者蓋又不於昔而可畏也夫一忌也以  
事左右而容則此一忌也必以其不謹事左右而



秦孝公徙木之賞何名為信

敗然則鄒忌者。蓋不烹而封之。阿大夫而田忌者。又率而未烹之。卽墨也。

秦孝公不廢徙木之賞。司馬公以商君處戰攻之世。天下趨於詐力。猶且不敢忘信。以畜其民。愚謂不然。商君方以詐力彊秦。懼令之不行。法之不立。故設三丈之木。五十金之賞。蠱誘貪民。以市其信。是廼詐之尤至矣。何名為信乎。且夫變法以賞軍功。雖宗室亦以軍功論。彼三丈之木。立之南門。徒置北門。何功於秦而賞之。是故已自不信其法。而安

立  
足  
祇  
足  
誇  
嫂  
婦

能令民之信也耶

史言蘇秦先貧賤。後迺富貴。其父母嫂婦亦先倨而後恭。故倨至於婦不夫。嫂不叔。父母不子。恭至於婦不敢以爲夫。嫂不敢以爲叔。父母不敢以爲子。噫甚乎。此家庭天性之間。而市之道存焉。悲夫。縉雲鮑生謂秦信有志。然其所建立祇足誇嫂婦。余以爲此嫂婦亦徒見其路過雒陽時也。乃曾未見其庭說諸侯。抵掌而談時。彼其戴鬚眉爲婦人。殫極宛媚。舌敝於萬乘之前。以幾其說之一售。蓋宵

劉葵其丈夫焉將有進而觀其所之窺見其形似  
其不爲中庭之訕而泣以相向也者幾希

國策孟嘗君出行國至楚獻象床郢之登徒直使  
送之不欲行見孟嘗君門人公孫戊因獻其先人  
之寶劍請得毋行公孫戊曰諾入見孟嘗君而說  
之曰願君之勿受之也孟嘗君曰諾公孫戊趨而  
去未至中閭君召而返之曰何舉足之高志之揚  
也公孫戊曰臣有大喜三重之寶劍一門下百數  
莫敢入諫臣獨入諫臣一喜諫而得聽臣二喜諫

而止君之過臣三喜輸象床郢之登徒不欲行又  
許成以先人之寶劍孟嘗君曰急受之因書門版  
曰有能揚文之名止文之過私得寶於外者疾入  
諫夫能揚文之名止文之過雖其私得寶於外猶  
將許之况其非有私者乎孟嘗君於是能廓以求  
過也已夫不貪楚床我寶也受郢之劍彼寶也一  
言而皆得其寶我之得則大矣又何誅焉自是孟  
嘗門下之諫者非特成也呂氏春秋邾之故法爲  
甲裳以帛公息忌謂邾君曰不若以組邾君下令

今官爲甲必以組公息忌知說之行也。因令其家  
皆爲組人有傷之者曰公息忌之所以用組者其  
家多爲組也。邾君不說於是復下令令官爲甲毋  
以組。陳子曰以二事觀之隘乎邾君此其不逮孟  
嘗君矣。公孫戊納劍於言未進之先而孟嘗君以  
其忠言而畧其貪心而勿疑也。公息忌爲組於言  
既行之後而邾之君據探其私心而廢其忠言。夫  
公息忌之組則旣以頃於家也。而用組之利遂亦  
廢於國惜哉。

國策齊欲伐魏魏使人以寶璧二雙文馬二駟致之  
淳于髡入說齊王而止之齊乃不伐魏客謂齊  
王淳于髡言不伐魏者受魏之璧馬也王以謂淳  
于髡髡曰伐魏之事不便魏雖刺髡於王何益若  
誠便魏雖封髡於王何損且夫王無伐與國之非  
魏無見亡之危百姓無被兵之患髡有璧馬之寶  
於王何傷乎髡之事與公孫戊同而髡之言與呂  
不韋之論不異然呂不韋爲邾君言之也欲爲人  
君者開不諱之門廓亡疑之路畧人臣之小過而

納其大患。望論也。髡乃自爲解耳。夫人君固不欲  
盡覩臣下之隱。而禁其私。若人臣至于懷詐挾說  
以欺其君。倚其國以爲市。亦奚可哉。呂論曰。此邪  
君之尤也。爲甲以組而便。雖多爲組。何傷。以組不  
便。公息忌雖無組。亦何益。爲組與不爲組。不足以  
累公息忌之說。用組之心。不可不察也。

金壘子上篇卷之五

金聖子上篇卷之六

明上虞陳絳用揚甫著

會稽陶望齡周望甫閱

同邑車在遠遠之甫校

男陳昱輯

樂毅將積弱之燕以數月舉齊七十餘城何壯決也

及併強齊乃不能以五年之力下莒卽墨抑何億

也夏侯太初以爲毅舉國不謀其功除暴不以威

力蓋庶幾湯武之事而蘇子瞻氏亦以爲毅將以

邪行  
則衆  
送奔  
趙



仁義服齊民不忍急攻然毅何足以及斯耶至蘇  
子由古史直歸之勇知相敵是則然矣而猶未足  
以槩其實何者田單固毅之堅對也然區區小邑  
寡民財力有限摩以歲月師老而餉絕卽墨翟不  
支而况單耶又何有於二城子以爲此直毅之不  
幸也攷史燕昭王自滅齊之後心意侈極竊然有  
海外之想嘗使人入海求所謂蓬萊方丈瀛洲三  
神山者昭王至是非昔者吊死問孤與百姓同其  
苦之昭王矣夫卧薪食戢之意移則大夫種可殺

潢池之會成。則子胥抉眼。斯古今同嘆。豈獨毅耶。  
王卽一旦而棄群臣。使王無一旦而棄群臣。毅安  
得走趙。又安望其越尺寸而有功哉。或曰。始昭王  
禮鄒隗。以致士。諸侯之士聞而皆歸之。樂毅自趙  
往。鄒衍自齊往。毅材長於治國。而衍善作恠迂之  
變。其說闊大而不經。謂九州之外自有太九州。方  
昭王用樂毅。無暇聽衍也。及毅之功成。則衍之說  
行。衍說行。毅不得安其位矣。人心之敬忽無常。而  
事之倚伏可畏也哉。

田單興齊。厥功甚偉。然人謂樂毅以燕齊二國之兵。五年而不能下莒。卽墨。爲單善守。雖蘇子由古史。亦以爲毅與莒卽墨相持。田單拒之五年而不決。愚謂此皆失考也。按史記齊湣王走莒。楚使淖齒將兵救齊。因相齊。湣王淖齒殺齊湣王而堅守。以拒燕。燕軍聞湣王之在莒也。并兵攻之。數年不得下。乃引兵東圍卽墨。卽墨之大夫出兵戰。敗死。城中相與推田單爲將軍以拒燕。頃之燕昭王卒。子惠王立。田單乃縱反間於燕。罷樂毅以騎劫代之。

大敗燕師。齊七十餘城皆復爲齊有。是則始樂毅以數年攻不下者莒耳。卽墨因此亦數年不被攻。及纔攻卽墨。卽墨之大夫戰敗死。田單乃代守。而樂毅固已走矣。要之齊亡國猶有人。人心未忘齊。齊會當復興。田單又善兵。然使燕昭王不殞樂毅。不走騎劫。不代單恃惴惴之卽墨。三里之城。五里之郭。疲兵不滿七十。毅深溝高塹。守以數月。卽兩國之兵坐而困之。諸侯之救絕。單其危哉。

齊閔王之遇殺。其子法章變姓名爲莒太史家庸夫。

史終  
身不  
親君  
王后

金匱要略卷之六

太史歟女。奇法章狀貌。以爲非常人。憐而嘗竊衣食之。與私焉。莒中及齊亡臣。相聚求閔王子。欲立之。法章乃自言於莒。共立法章爲齊王。王立。以太史氏女爲君王后。太史歟曰。女無媒而嫁者。非吾種也。汚吾世矣。終身不覩君王后。君子曰。漢臨邛富人卓王孫女。夜往奔令客。而父以爲不勝慙也。一日客奉於天子。建節馳傳至蜀。蜀太守以下郊迎。縣官負弩矢先驅。蜀人以此爲寵。於是卓王孫因門下獻牛酒交驩。喟然而嘆。自以得使女尚司馬。

有為  
尚功  
之言  
者

長卿晚當是時也不復憶人間有庶耻矣若太史  
敷者不賢乎乃不欲以一女易后推斯志也行一  
不義而得天下不爲也

有爲尚功之言者曰君子鄙素隱下徒死蓋隱而無  
用乎世嚴穴之稿者也潔身而不足以行義死而  
無益乎事溝瀆之經者也殺身而不足以成仁陳  
子曰其不然乎其不然乎隱取乎合義則無用乎  
世弗論也用世與隱殊必其用世則無隱矣死取  
乎當仁無益乎事勿計也成事與死異必其成事

則無死矣。又曰：王蠲絕脰而死，倡齊民以忠。蓋復七十二城者，王蠲也。斯死之成事者，與嚴陵加足而卧高漢王以節。蓋昌漢二百餘年之業者，嚴陵也。斯隱之用世者，與

樂毅  
不為  
不忘  
儒君

史記燕樂毅既奔趙，趙王欲與樂毅伐燕。毅泣曰：臣疇昔之事昭王，猶今日之事大王也。若復得罪，越在他國，終身不敢謀趙之奴隸。兒子孫乎？趙王乃止。三國魏志：袁渙者，劉備舉爲茂才，後避地江淮，爲袁術所命。呂布擊術，渙爲布拘。布與劉備離隙。

布欲使渙作書罵辱備渙不許布大怒以兵脇渙  
色不變笑曰惟德可以服人不聞以罵且渙  
他日之事劉將軍猶今日之事將軍也一旦去此  
復罵將軍可乎布慚而止毅處七國渙處三國士  
憑軾游談其間閎若屋邸有朝君臣夕寇讐者若  
二子可謂不忘舊君也已

戰國秦主要會趙王趙王畏秦欲毋行而廉頗藺相  
如計以王不行示趙弱且怯趙王遂行相如從廉  
頗送至境與王訣曰三十日不還則請立太子以

長慮  
謀國  
若臣



絕秦望。王許之。宋契丹犯邊。王曰。從牽澶州。雍王元份留守東京。遇暴疾命且馳還。權留守事。旦曰。願宣寇準。臣有所陳。準至。且曰。十日之間。未有捷報。當何如。帝默然良久。曰。立皇太子。老臣謀國。倉卒之中。而却顧長慮如此。此人不敢言。亦不能言也。

或問趙澠池之會。當何如。曰。推事之以珠玉之義。則趙雖徒予秦王璧可也。以予之爲取也推身服犢鼻供樵之義。則趙王雖爲秦王一擊缶可也。以屈之

秦白  
起最  
多殺  
人

爲仲也。第思無太王勾踐之志耳。曰旣不能爲太  
王勾踐則如之何。曰璧可予也。缶不可擊也。予璧  
足以旌趙之不貪。而負秦不信於天下也。擊缶是  
露趙弱於天下也。

白起爲秦將。善用兵。而最多殺人。非特強戰。亦其性  
嗜然也。今以史記攷之。秦始皇之十四年。爲左更。  
攻韓魏於伊闕。斬首二十四萬。三十四年。攻魏拔  
華陽。斬首十三萬。又與趙將賈偃戰。沉其卒二萬  
人於河中。四十三年。攻韓陘城。殺首五萬。四十六

年又與趙戰於長平。盡坑殺趙降卒四十萬人。前  
後斬首虜四十五萬人。最其斬馘非直百萬人已。  
中間嘗擊韓之新城。又涉河取韓安邑以東。到乾  
河。又攻魏。拔之。取城大小六十一。又攻魏取垣城。  
又攻趙。拔光錠城。又攻楚。取宛。又攻楚。拔鄢鄧五  
城。又攻楚。拔郢。燒夷陵。因取楚定。巫黔中郡。又攻  
韓之南陽。又伐韓。野王連年用師。掠地攻城。亡慮  
百餘戰。又豈能不血一刃。天道好生而起。獨殺使  
不中杜郵之劍。是尚爲有天乎。

以客  
害  
主

斯之初入秦也。秦王仕之客卿。秦宗室大臣皆言  
於秦王曰。諸侯人來仕秦者。大抵皆爲其主。請一  
切逐客。而斯在所逐中。斯乃上書具言客之功。剴  
切明白。於是秦王感悟。斯得勿遣也。至斯害韓。非  
於秦王乃曰。非韓之諸公子也。今欲并諸侯。非終  
爲韓不爲秦。此人情也。是又卽用廼者。秦宗室大  
臣所以間斯於王者耳。斯獨不念已異日之言耶。  
小人無圖國之忠。其議論傾側反覆。往往以自私  
媚人而末之忌如此。或曰。使秦用非。則如之何。得

毋如斯言邪。曰不然。非勸秦存韓者。非之爲秦。其見偶失。非爲韓也。非刻薄殘忍。果於功名。寡於天性。其言治則雖父母妻子同室之內。皆敵國也。苟於行志而已。說難孤憤。異乎澤畔之行吟矣。使一日而爲秦用。尚何有於韓耶。

茅焦  
東諫

齊崔杼弑其君。太史氏以書而殺者三人焉。而南史聞之。猶執簡以往。義之激也。萬死不足以危之。而况三乎。秦始皇實其母雍也。秦之庭諫而死者二十有七人。茅焦繼之。歷非擗而上解衣伏質。焦益

茅焦  
黃公  
非真  
明君  
親之  
倫

奇已哉。儒者蔽焦曰：然而輕生。夫焦則已輕其生矣。使秦人皦然知有母子也，不鉅於田光、荊軻之爲死乎？

易曰：義者利之和也。義安有不利乎？雖然，較利而始爲之，則其義也外矣。夫父子也，君臣也，皆吾性之所有，而非有待於外也。秦始皇之遷寘其母雍也，一時忿欲之蝕也。茅焦諫之忠矣，而曰：大王有遷母之名，恐諸侯由此倍秦。信斯言也，是害諸侯之倍已，而後始事其母也。一日而無諸侯，無母矣。項

羽之殺義帝。蓋漢王未之能討焉。三老董公橫道而說之正矣。而云兵出無名。事故不成。名其爲賊。敵乃可服。夫主辱而臣死之。況主死則無爲視息於天地乎。董公之說云爾而已矣。是徒欲正賊之名於敵。而以成吾事也。又安知非利敵之賊吾主。而以爲己名也。

秦焚書坑儒非起於李斯

丹鉛餘錄謂秦焚書坑儒非起於李斯。斯之先固有爲此說於秦者矣。韓非是也。非之言曰。世之愚學。皆不知治亂之情。譁談多誦先古之書。以亂當世。

之治又妄非有術之士聽其言者危用其計者亂  
又曰群臣爲學門子好辨可亡也又曰舍法律而  
言先王者上任之以國主以是過予而臣以此徒  
取矣此與斯所言是古非今若合符節作俑者乃  
韓非匪斯也宋儒有過求者廼謂斯之學出於荀  
卿焚坑之禍卿有以啓之卿嘗入秦見應侯譏秦  
之無士矣舍非而罪卿所謂洗垢而索瘢者耶陳  
子曰是爲荀卿雪謗故特緩李斯之罪歸獄於韓  
非然予考非與李斯同時非之言於韓乃斯之行



於秦。匪有祖襲。至其入秦。則李斯介之也。當是時。李斯已相秦久矣。安得斯之先非已。倡爲說於秦乎。攷史記秦焚書之令。始見於始皇在位之三十四年。坑儒又在次年。是時韓非已死。而斯尚爲丞相。故楊氏以作俑者爲韓非。然以斯之彊橫本其所學。悖戾又其天性。其平日相秦。蓋不越此術。至是而始焚書坑儒。明著是古非今之律耳。非一日行之也。且斯旣蠲譖非殺之。而事諸與之異非言。請毋攘韓。斯必請先取韓。以恐他國也。又肯復拾

其滄壁者耶。而謂非作俑也。且非與斯同師事蘭  
陵先後同入秦而適同爲滅學毀儒之說。則極本  
遡源。安得不委罪於斯。而論欲人毋效王  
而迂法先王。蓋亦庶乎孔子從周之義。然言之頗  
失其平。故其末流乃至如韓非李斯。所謂其父殺  
人報讐其子必且行劫。宋儒之論固未爲過。若必  
欲緩斯之罪。捨旃而議。則先此由余之入秦。當繆  
公之世。已曰詩書禮樂法度爲政。中國所以亂也。  
不如戎夷。商鞅之相孝公。已專事富強鄙仁義曰。

秦廟  
號其  
取近  
古

貳官也。姑置之。則造端作俑之罪。且有歸矣。又安得獨以爲韓非耶。

秦二世元年。用群臣議。以古者天子七廟。於是詔尊始皇廟爲帝者祖廟。謂之極廟。雖萬萬世不軼毀。而以先王廟。自襄公以下。軼毀所置。凡七廟。秦人恣用胸臆。棄禮絕學。姍侮詩書。然猶知立七廟。隆祀祖宗。崇報功德。如此可喜也。唐柳芳廼謂秦茂學不列昭穆。不建迭毀者。殆誣矣。其最近古者。先王先公。仍其舊號。不復加尊。此父爲士。子爲天子。

此道  
萬古  
流行

諸侯祭以天子諸侯其尸服以士服所謂雖爲天子必有父子尊不加於父母之義也

此道根着人心萬古流行真有不爲桀亡者且禮義至秦盡矣而其立法父子兄弟同室內息者有禁是猶知父子兄弟也有子而嫁倍死不貞夫爲寄殺之亡罪妻爲逃嫁子不得母男女之別亦甚嚴

秦士  
可殺  
不可

史記秦二世以右丞相去疾左丞相斯將軍馮劫諫請止阿房宮役怒下去疾斯劫吏案責他罪去疾

劫曰。將相不辱。自殺。秦之士也。賤然其將相大臣。猶有可殺而不可辱者。蓋近古也。至漢蕭何周勃。則處之油然。戮辱泰偪。而庶耻不行矣。

秦法  
令無  
如后  
世  
故

秦法令最嚴酷。最多諱惡。動就參夷。然始皇諱死。而明年祖龍死。使者得從關中來奏之。諱亡。而亡秦者胡。盧生得自使海上還奏之。然則秦之諱惡。法令嚴酷。曾未如後世之甚也。

秦  
二世  
貴  
不  
阿  
房  
宮

秦二世曰。先帝營阿房宮。今釋弗就。是章先帝舉事過也。復作阿房宮如始皇。而是歲戊卒陳勝始作。

秦詔  
後瑯  
瑯十  
二歲  
驪邑  
雲陽  
皆復  
不事  
十歲

亂下秦秦從天下非一技而貫盈於阿房宮矣  
是二世繼成一宮廼墟秦七世之廟屋秦數百年  
之社稷也君子曰以宋熙豐諸小人之言觀之如  
二世蓋所謂肯堂構者非耶而秦以亡然則人主  
之孝固有道哉

秦始皇二十八年南登瑯琊大樂之留三月廼徙黔  
首三萬戶瑯琊臺下詔復十二歲三十五年徙民  
三萬家驪邑五萬家雲陽皆復不事十歲然始皇  
在位三十七年崩二世繼立才三年秦亡計終此

兩詔恩多。半入漢年也。南宋明帝以南苑借張永云。且給三百年期。訖更啟昏主信。好祿祥。狂易發言。欺天罔人。不足怪者。然在位厘八年。又八年宋亡矣。西魏武帝爲高歡所逐。出奔。糗糲絕。至湖城。有王思村民以麥飯壺漿獻帝。帝悅。復一村十年。其年七月。奔宇文太於長安。十二月被鵠死。國亡。彼爲人主。方寄命強臣之手。朝不能謀夕。計畧刻以上。卽非敢知之歲月。待御以外。皆非已有之人。民孫卿曰。厲憐王言憂危困苦。却殺弑奪。甚於厲。

也。臣聞之。而帝不知乎。願取以十年之憂。願  
此。願施從君口惠。莫慮諾責。多見其不自量也已。

金罍子上篇卷之六